

螺冠子自敘

附傳
贊

周履靖
撰

中華書局

螺冠子自叙

螺冠子系樵李以夢鶴生生而善病甫弱冠棄
去制舉業閒窓淨几闔扉枯坐始得恣心柔翰
旁及書畫鼎彝諸譜以至草木禽魚天星地術
異域方言無不涉入而家苦貧儉夙鮮藏本常
恨不得登酉山之陽開琉璃之局以解余嗜也
後病良已遂遊諸賢豪悉請其所藏雅相印正
諸賢豪亦時時出所藏飫余于是石室秘本晉
唐妙墨日以益新神觀憬然若有所契益復頽

然自放不問生產築舍駕湖之濱前引清渠後
雞畦圃週遭種梅百餘株玉鱗點砌鐵虬怒撐
時引二鶴呬吾其下或臨古帖或吟小詩或展
名玩左圖右書艷花碩果倦則剪園蔬沃酒以
自供人謂興不減柴桑嬾拙成癖念與世人隔
絕久矣而好事者草木臭味謬有題贈久之遂
盈篋笥如述幽韻則豐考功南禺有會識周顒
多逸興清齋習靜秘玄神文國博三橋玄心山
水秘吾道酒杯存黃太學質山蠟屐尋雲往柴

門帶兩扁文學博文往日林逋擅清勝近來
風韻屬周郎徐方伯龍灣林泉逸致吾同好他
日幽期共往還吳泰知川樓愛君寂寂隱郊墟
紫籀爲冠薜爲服岳隱君漳餘長陰叢桂裏高
枕白雲隈歐博士楨伯伏枕青山支傲骨開樽
明月照幽墟俞隱君仲蔚憐君多逸志隱處只
孤雲侯方伯二谷徑無行遍草架有讀殘書戚
符卿中岳藥草山中歲梅花墟裏春項上林少
岳春風信杖藜閑與白雲期戴符卿春雪志潔

同霜雪才華空古今袁司馬了凡余亦投簪暇
相將寄隱淪黃學士葵陽門多長者轍瓢掛酒
人名嚴給諫紹峰寒芳偏與幽人洽佳句時招
逸叟磨包學憲瑞溪高潔獨凌霜雪操孤貞自
稟玉冰神沈翰林几軒我欲投簪弁幽棲日可
尋馮叅知養白知君却是狂歌客好共墟中賦
隱淪沈山人嘉則高如碧海翻黃鵠閒似秋空
走白雲沈太史晴峰風前歌綠水雨後採青芝
何鄧推繩武家爲藏書薄名因賣賦成王孝廉

沂陽梅花繞一塘勝絕武陵居文上林鴈峰誰
道菰蒲裏才華有墨卿卓光祿月波才宏名譽
遠學博古今稀李官坊九我我儕亦有離塵想
卜築清溪共爾居破瓢道人吳玄鐵鴛鴦湖畔
梅花底盡日焚香嬾著冠葉山人雪樵散帙明
窓當書靜揮毫淨几傍松陰釋定湖醉來希草
聖夢去卽仙遊韓宗伯敬堂放曠猶墻東君而
尤工盤礴管藩憲東溟潦倒酒人吟哦頽頽晉
處士曹郡伯芑岬偶才綺行有抱甕鑿坯之風

論藝苑則張觀察幕王屋灑翰吟懷壯淋漓醉
墨狂劉侍御羅陽句有寒霞色書多倒薤文周
隱君幼海帖將快雪時晴揭詩擬暗香疎影裁
彭比部中溪字入羲之室詩登太白堂沈中丞
繼山詠罷看黃鵠書成換白鷺王隱君峴嶠書
殘萬片青蕉葉吟就千篇白雪詞鄔山人龍門
書換鷺羣鴛渚曲賦成鸚鵡漢江深皇甫司勳
百泉短歌擅美在卽席五字破的稱長城王隱
君十岳莫自向來歌雪調自令江漢和音稀袁

長史太冲雅知逸興琳瑯布紙價昂多荅應稠
沈觀察霓川瑤華萬樹供吟嘯麗翰千篇費倡
酬陳隱君眉公新詩帶月題蕉葉清嘯隨風入
澗花釋秋潭有時歌白雪和客每停車孫郡伯
雪居誠藝苑之宗工騷壇之哲匠范蔗憲鏡川
恠來騎鶴揚州客能寫籠鷺道士書茅憲副鹿
門墨池灑翰風雲列毛穎揮毫日月華姚少宰
禹門狂來一掃千萬字醉去恍如張旭癡釋冬
溪臨池慣寫黃庭卷舞象仍呼白噴癡陸太保

平泉諸體皆得三昧矣王司寇鳳洲意閑構密
爽爽有神申相國瑤泉鐵畫銀鈎獨擅晉人風
味屠比部赤水龍鳳蝌蚪咸驅馳鐘鼎倒薤咸
分披王隱君百穀清婉閑逸可謂得之驪黃之
外也張太學幼干流芳於異代紙貴於都門朱
宗伯養純勢若怒猊抉石渴驥奔泉楊太史石
閭篆籀精妙可謂墨池之宗匠曹隱君子念書
法貫絕古今賞鑄勒則王相國荆石神韻高爽
造入晉唐馮司成具區氣韻生動幾奪天工董

太史思白堪與閣帖並傳唐太史抑所藝苑重
增一番公案張孝廉凌虛不朽傳金石芳聲動
八垓茲老矣回視數十年間支離病骨荏苒流
光愧子雲雕蟲之譏懷尚平婚嫁之累冲霄之
姿久斂耳目絳雪青峰石瓢毳衲杳然天路夫
復何期今欲謝息交遊焚棄筆硯返觀嘿聽以
循自然之理而諸公枉教之意每不可忘遂效
狂索作自叙以貽子孫不自知其顛倒也螺冠
子所著有賦海補遺三十卷江左周郎詩苑三

十二卷周子百銘一卷螺冠子咏物詩七卷大篆正宗四卷小篆正宗四卷漢隸正宗四卷章草正宗四卷螺冠子十卷茶歌一卷酒紀六卷閒雲稿四卷野人清嘯二卷山謠二卷逸唱二卷谷聲二卷庸調二卷狂夫酒語二卷蛩吟秋砌二卷駢音一卷汎漚吟一卷俚語二卷追風集二卷燎松吟一卷尋芳稿一卷稚音一卷閒雲館詩餘二卷騷壇秘語二卷茹草編四卷玄賞編一卷鶴月瑤笙四卷笛歌一卷笙鳴一卷

酒樂府一卷画評會海二卷賡和有陶靖節詩
四卷古今歌紀二十四卷九歌八卷羣英赤幟
十二卷古今宮閨詩十六卷青蓮觴咏二卷香
山酒頌二卷晉宋明十三家歸去來辭一卷十
二家古詩十九首一卷六家胡笳十八拍一卷
四十八家秋興八首二卷五十家白燕詩一卷
樵田釣水歌四卷毛公壇倡和詩一卷鴛湖倡
和詩一卷秦淮羣娛詩一卷千片雪一卷唐宋
元明酒詞二卷所輯有唐宋元明千家宮詞十

八卷十六名姬詩十六卷四廣千文一卷海外
三珠四卷綠綺新聲四卷赤鳳髓三卷梅癡博
戲十二卷周郎續戲八卷稚子雜戲八卷天形
道貌一卷九畹遺容一卷羅浮習質一卷洪園
肖影二卷嚶翔啄止一卷羣物奇製一卷煉形
內旨一卷玉函秘旨一卷金笥玄玄一卷宋明
和陶詩二卷益齡單一卷降乩仙語一卷勝情
集三卷雅咲編八卷繪林題識一卷芳筵勝賞
六卷梅塢貽瓊六卷石刻有閒雲館法帖十卷

蘭亭脩禊圖一卷大士三十二相一卷十八阿
羅漢像一卷方壺勝會圖一卷東土二十八祖
像一卷十八學士像一卷玄元十二子像一卷
十二真像一卷九歌圖一卷白描晉賢像一卷
唐宋元明白描人物一卷二十四氣圖一卷八
段錦一卷五禽戲圖錢舜舉翎毛二十四幅松
竹梅蘭四幅觀音達磨彌勒觀佛接引准提圭
峰梓童魁星莊子張仙梅癩螺冠子像法帖有
倣黃庭千文倣鍾鼎篆千文倣玉箸篆千文倣

漢隸千文倣章草千文倣聖教序千文倣十七
帖千文倣褚河南千文倣李北海千文倣懷素
千文倣鐘鼎篆廣易千文二廣千文楷書廣易
千文二廣千文行于世

螺冠子傳

劉鳳

螺冠子姓周名履靖字逸之樵李人也初號梅
墟游海上獲大螺以爲冠遂號螺冠子生而筋
柔骨緩少嗜欲居恒兀兀如枯禪至於慷慨赴
義急人之難卽俠烈不過性穎辯善吟咏尤喜

臨池自大小篆行草楷隸無不各盡其妙先以疾好尊生家言遂浩然有物外之志中歲值父東庄翁老家且困顧鰥冠子曰兒方與王喬義門者遊顧若翁旦夕長暝耳子泣蘇蘇下因卽日任家督米鹽鱗裸而東庄翁不起矣雞骨支牀收血裏事會族兄圍旋歿復捐貲經紀其喪且爲冠婚其孤家遂大困而子顧怡然不屑意免喪稍用計然之策畫則椎髻課諸僮夜則篝火苦唫達旦不數年致千金然非其好也乃益

復市義郡城當水陸衝冠蓋相望縣官籍富民
爲方役主進送靡不破產棄糈者子抗辭倡爲
官辦至今賴之民部下郡邑清國初籍而籍無
全者吏民騷然復抗辭請之臺省事得寢又郡
中大疫子復空橐募諸醫儲善藥瘳之全活無
筭于是家以復廢乃置酒召里中父老曰余不
敏已具人世一興替矣人生旦暮耳願以生事
聽之奴以蠹簡終吾殘歲遂築閒雲館于鴛湖
之上手植梅幾三百本募經史書畫萬餘卷寔